



Imlitir 32/2013

Chuig: Údaráis Bhainistíochta Bhunscoileanna Aitheanta

**Comhaontú na Seirbhíse Poiblí 2013 – 2016 (Comhaontú Bhóthar Haddington)
agus an tAcht um Bearta Airgeadais Éigeandála ar Mhaithe le Leas an Phobail
2013**

Pá Múinteoirí

Réamhrá

1. Is í aidhm na hImlitreach seo ná údaráis bhainistíochta agus múinteoirí a chur ar an eolas faoi na hathruithe ar phá múinteoirí le teacht i bhfeidhm ón 1 Iúil 2013. Eascraíonn na hathruithe seo as an Acht um Bearta Airgeadais Éigeandála ar Mhaithe le Leas an Phobail 2013 agus Comhaontú na Seirbhíse Poiblí 2013 – 2016 (Comhaontú Bhóthar Haddington), ag féachaint d'Alt 7 den Acht.
2. Do chúiseanna na hImlitreach seo, glactar leis gurb é is ciall le tuarastal ná tuarastal a chuimsíonn liúntais i nádúr pá atá ina liúntais inphinsin seasta tréimhsiúla.

Incrimintí agus bearta cothromaithe ábhartha

3. Do mhúinteoirí ar thuarastail faoi bhun €35,000, beidh reo incriminte amháin trí mhí i bhfeidhm. Tiocfaidh sé seo i bhfeidhm i ndiaidh don chéad incrimint eile a bheith íoctha, leis an incrimint ina dhiaidh sin á bronnadh i ndiaidh 15 mhí murab ionann agus 12.
4. Do mhúinteoirí ar thuarastail idir €35,000 agus €65,000, beidh dhá reo incriminte trí mhí i bhfeidhm. Tiocfaidh sé seo i bhfeidhm i ndiaidh don chéad incrimint eile a bheith íoctha, leis an chéad dá incrimint eile á mbronnadh i ndiaidh 15 mhí murab ionann agus 12 mhí.
5. Do mhúinteoirí ar thuarastail €65,000 nó níos airde, beidh dhá reo incriminte sé mhí i bhfeidhm. Tiocfaidh sé seo i bhfeidhm i ndiaidh don chéad incrimint eile a

bheith íoctha, leis an chéad dá incrimint eile á mbronnadh i ndiaidh 18 mí murab ionann agus 12 mhí.

6. Nuair a sháraíonn tuarastal an mhúinteora €35,000 le linn an Chomhaontaithe, beidh dara reo incriminte trí mhí i bhfeidhm, faoi réir na socruithe do mhúinteoirí ar thuarastail idir €35,000 agus €65,000 mar a luaitear in alt 4 thuas.
7. Beidh socruithe ar leithann do mhúinteoirí ar thuarastail idir €35,000 agus €65,000 atá ar uasphointe an scála nó a shroicheadh uasphointe an scála i ndiaidh tréimhse incriminte 15 mhí. Cuirfear na socruithe seo in iúl i litir ar leithligh.
8. Má théann tuarastal an mhúinteora os cionn €65,000 le linn an Chomhaontaithe, beidh na forálacha laghdaithe pá a luaitear in ailt 9 go 14 thíos i bhfeidhm.

Luach Saothair Níos Airde

9. Chomh maith leis na bearta ar incrimintí thuas, beidh laghdú i bpá na múinteoirí ar thuarastail €65,000 nó níos mó mar seo a leanas:

Suim Bhliantúlaithe an Luacha Saothair	Laghdú
Suim ar bith suas le €80,000	5.5% *
Suim ar bith thar €80,000 ach gan a bheith thar €150,000	8%
Suim ar bith thar €150,000 ach gan a bheith thar €185,000	9%
Suim ar bith thar €185,000	10%

* Tá an laghdú 5.5% i bhfeidhm ar an tuarastal ar fad faoi €80,000, ní hamháin an chuid den tuarastal atá idir €65,000 agus €80,000.

10. Mar a luaitear in alt 2 thuas, glactar leis gurb é is ciall le tuarastal do chúiseanna na hImlitreach seo ná tuarastal a chuimsíonn liúntais i nádúr pá atá ina liúntais inphinsin seasta tréimhsiúla. Mar sin féin, toisc go bhfuil pá inphinsin á chailliúint ag múinteoirí ar thuarastail €65,000 nó níos mó, trí tharraingt siar an liúntais mhaoirseachta, nuair atá pá an mhúinteora á ríomh **do chúiseanna an laghdaithe pá luacha saothair níos airde amháin**, níor chóir an liúntas maoirseachta a áireamh san iomlán. Féach an tAguisín le haghaidh tuilleadh mionsonraí agus samplaí oibrithe.
11. Má ardaíonn tuarastal an mhúinteora os cionn €65,000 (agus liúntais i nádúr pá san áireamh) le linn an Chomhaontaithe, beidh na forálacha seo um laghdú pá i bhfeidhm.
12. Ní thitfidh tuarastail faoi bhun €65,000 mar thoradh ar fheidhmiú an laghdaithe seo.

13. Nuair atá duine fostaithe ar níos lú ná uaireanta iomlána, agus a dtuarastal coibhéiseach lánaimseartha (lena n-áirítear liúntais i nádúr pá atá ina liúntais inphinsin seasta tréimhsiúla) níos mó na €65,000, beidh na laghduithe a luaitear sa tábla thuas i bhfeidhm ar a dtuarastal ar bhonn *pro-rata*.
14. Do mhúinteoirí ar thuarastail €65,000 nó níos mó, cuirfear an laghdú thuasluaite ar ais chuig an ráta a bheadh acu, murach an laghdú pá, laistigh de 18 mí ar a mhéid i ndiaidh deireadh an Chomhaontaithe 3 bliana. Beidh dhá chéim chothrom san aiscur seo – an chéad ceann i ndiaidh 9 mí agus an dara ceann 9 mí ina dhiaidh sin.

Maolú ar Thionchair Iolracha

15. Beidh bearta maolaithe i bhfeidhm i gcás na múinteoirí a chailleann pá inphinsin tríd an laghdú pá luach saothair níos airde mar a luaitear in ailt 9 go 14 thuas agus tarraingt siar an liúntais mhaoirseachta faoin gComhaontú – féach an tAguisín le haghaidh mionsonraí breise agus samplaí oibrithe.

Asbhaint a Bhaineann le Pinsean – Leasú Ráta:

16. Laghdófar na rátaí don Asbhaint a Bhaineann le Pinsean sa ráta banda €15,000-€20,000 go dtí 2.5% ó 5% le feidhm ón 1 Eanáir 2014. Ón 1 Eanáir 2014, is iad seo a leanas na rátaí a bheidh ann don Asbhaint a Bhaineann le Pinsean:

Bandáí agus Rátaí	
Faoi €15,000	Díolmhaithe
€15,000 - €20,000	2.5%
€20,000 - €60,000	10.0%
Os cionn €60,000	10.5%

Scálaí agus Rátaí Tuarastail Leasaithe d'Iontrálaithe ar Mhúinteoireacht i ndiaidh 1 Eanáir 2011 agus i ndiaidh 1 Feabhra 2012

17. Beidh scálaí tuarastail incriminteacha d'iontrálaithe leasaithe d'iontrálaithe ar mhúinteoireacht i ndiaidh 1 Eanáir 2011 agus i ndiaidh 1 Feabhra 2012 i bhfeidhm ón 1 Iúil 2013:

Pointe	1/1/2011* Scála leasaithe	1/2/2012* Scála leasaithe
1	27,814	30,702
2	28,775	33,168
3	30,702	33,950

4	31,924	36,576
5	33,168	37,795
6	34,136	39,251
7	36,576	40,700
8	37,795	42,160
9	39,251	43,380
10	40,700	44,996
11	42,160	44,996
12	43,380	44,996
13	44,996	47,225
14	44,996	47,225
15	44,996	47,225
16	47,225	47,225
17	47,225	50,170
18	47,225	50,170
19	47,225	50,170
20	50,170	50,170
21	50,170	53,423
22	50,170	53,423
23	53,423	53,423
24	54,339	58,765
25	55,514	59,940

* Leantar d'íocaíochtaí cáilíochta a íoc leis an gcohort seo de mhúinteoirí mar is cuí.

18. Beidh rátaí pá uaire agus lae d'iontrálaithe ar mhúinteoireacht páirtaimseartha agus ionaid atá cáilithe agus cláraithe mar is cuí i ndiaidh 1 Eanáir 2011 agus i ndiaidh 1 Feabhra 2012 i bhfeidhm ón 1 Iúil 2013 mar seo a leanas:

	Iontrálaí i ndiaidh 1 Eanáir 2011	Iontrálaí i ndiaidh 1 Feabhra 2012
Ráta lae bunscoile (ócáideach cáilithe)	169.98	171.03
Ráta uair bunscoile (cáilithe)	34.00	34.21

Liúntas Maoirseachta

19. Déanfar íocaíocht maidir le hobair a rinneadh faoin scéim Mhaoirseachta sa scoilbhliain 2012/2013 mar is gnách. Cuirfear deireadh leis an liúntas Maoirseachta le feidhm ó thús na scoilbhliana 2013/14. Cuirtear socruithe amach anseo in iúl in Imlitir 33/2013, lena n-áirítear an coigeartú ar an scála incriminteach i gcomhréir le alt 7 den Imlitir.

Pinsin

20. Maidir le múinteoir a théann ar scor ar an 31 Lúnasa 2014 nó roimhe sin, déanfar a s(h)ochair aoisliúntais a ríomh trí thagairt do na scálaí pá atá i bhfeidhm ar an 30 Meitheamh 2013.
21. Nuair a théann múinteoir ar scor ar an 31 Lúnasa 2014 nó roimhe sin ar phinsean níos airde ná €32,500, beidh an pinsean sin faoi réir an Laghdaithe Pinsin Seirbhíse Poiblí (LPSP) mar a fhoráiltear dó san Acht um Bearta Airgeadais Éigeandála ar Mhaithe le Leas an Phobail 2013 atá i bhfeidhm ar an 1 Iúil 2013 agus ina dhiaidh.
22. Is féidir eolas ar na forálacha LPSP san Acht 2013 a fheiceáil ar shuíomh gréasáin na Roinne Caiteachais Phoiblí agus Athchóirithe ag: <http://per.gov.ie/faqs-on-haddington-road-agreement-2/>

Scaipeachán

23. Déan cinnte, led' thoil, go dtugtar cóipeanna den Imlitir seo don Bhord Bainistíochta agus go dtarraingítear aird na n-oidí uile atá fostaithe agat, iad siúd atá ar chead neamhláithreachta san áireamh, ar ábhar na hImlitreach seo.
24. Is féidir an Imlitir seo a rochtain ar shuíomh na Roinne faoi <http://www.education.ie> .

Padraig Maloney
Rannóg Párolla
27 Meitheamh 2013

AGUISÍN

LUACH SAOTHAIR NÍOS AIRDE – MAOLÚ AR THIONCHAIR IOLRACHA

Céim 1

Ríomh olltuarastal iomlán reatha an mhúinteora, ag cur san áireamh na liúntais inphinsin sheasta thréimhsiúla ar fad ach amháin an liúntas Maoirseachta, nuair a íoctar é sin chuig an múinteoir. Ba chóir a nótáil go gcuirfear deireadh leis an liúntas Maoirseachta le feidhm ó thús na scoilbhliana 2013/14.

Má tá olltuarastal an mhúinteora níos lú ná €65,000 i ndiaidh an ríomha seo, ní bheidh feidhm ag na laghduithe pá faoin Acht um Bearta Airgeadais Éigeandála ar Mhaithe le Leas an Phobail 2013/Comhaontú Bhóthar Haddington. Má tá olltuarastal an mhúinteora cothrom le, nó níos mó ná, €65,000, beidh na laghduithe pá i bhfeidhm agus déanfar iad a ríomh de réir na gcéimeanna anseo thíos.

Nuair atá duine fostaithe ar níos lú ná uaireanta iomlána, ansin ba chóir ríomh a dhéanamh chun a fheiceáil an bhfuil a dtuarastal coibhéiseach lánaimseartha níos mó ná €65,000. Sa chás go bhfuil a dtuarastal coibhéiseach lánaimseartha níos mó ná €65,000 ansin ba chóir na laghduithe a chur i bhfeidhm ar a dtuarastal ar bhonn *pro-rata*.

Céim 2

Cuir laghdú 5.5% i bhfeidhm ar thuarastal iomlán an mhúinteora atá faoi bhun €80,000.

Céim 3

Ríomh an chuid de thuarastal an mhúinteora a sháraíonn €80,000 agus cuir laghdú 8% ar an gcuid sin.

Céim 4

Cuir na figiúirí ó Chéimeanna 2 agus 3 le chéile.

Céim 5

Laghdaigh an figiúr a fuarthas le Céim 4 faoi mhéid an liúntais Mhaoirseachta atá infheidhmithe don chohórt lena mbaineann an múinteoir i.e. laghdaigh an figiúr faoi €1,769 do mhúinteoirí a íoctar ar an scála pá d'iontrálaithe roimh 1 Eanáir 2011 agus faoi €1,592 do mhúinteoirí a íoctar ar na scálaí pá d'iontrálaithe i ndiaidh 1 Eanáir 2011 nó i ndiaidh 1 Feabhra 2012.

Is é an figiúr a fhaightear mar thoradh an laghdú pá bliantúil iomlán atá infheidhmithe don mhúinteoir sin.

Céim 6

Is é tuarastal bliantúil nua an mhúinteora ná an t-olltuarastal (a ríomhadh i gCéim 1) lúide an laghdú pá bliantúil iomlán (a ríomhadh i gCéim 5). Dá mba rad é, mar thoradh air seo, go laghdófaí tuarastal an mhúinteora go dtí figiúr faoi bhun €65,000, ní chuirtear an laghdú iomlán i bhfeidhm agus is é tuarastal bliantúil nua an mhúinteora ná €65,000.

Céim 7

Ba chóir an ríomh seo a athdhéanamh am ar bith a tharlaíonn eachtra a rachadh i bhfeidhm ar phá an mhúinteora m.sh. incrimint a bhaint amach, athruithe ar theidlíochtaí liúntais nó ar ardú céime.

Céim 8

Ba chóir a mheabhrú, maidir le múinteoirí ar thuarastail €65,000 nó níos airde, go gcuirfear an laghdú ar ais chuig an ráta a bheadh acu, murach an laghdú pá, laistigh de 18 mí ar a mhéid i ndiaidh deireadh an Chomhaontaithe 3 bliana, ina dhá chéim chothrom.

Sampla Oibrithe 1:

Céim 1

Sa sampla seo, is é olltuarastal iomlán reatha an mhúinteora ná €85,664 (comhdhéanta de Pointe 25 den Bhunscála Comónta d'iontrálaithe roimh 2011 móide liúntas do Chéim Onóracha móide liúntas do Phríomhoide Catagóir 7). Faigheann an múinteoir an liúntas Maoirseachta €1,769 freisin, ach déantar neamhaird de sin do chúiseanna an ríomha seo.

Toisc go bhfuil olltuarastal an mhúinteora os cionn €65,000, beidh feidhm leis na laghduithe pá faoin Acht um Bearta Airgeadais Éigeandála ar Mhaithe le Leas an Phobail 2013/Comhaontú Bhóthar Haddington.

Céim 2

Is í an chuid den tuarastal ba chóir an laghdú 5.5% a fháil ná €80,000. Mar thoradh air sin, bíonn laghdú €4,400 ann.

Céim 3

Is í an chuid den tuarastal a sháraíonn €80,000 ná €5,664. Ba chóir an laghdú 8% a chur i bhfeidhm, mar sin, ar €5,664. Mar thoradh air sin, bíonn laghdú €453 ann.

Céim 4

Má chuirtear €4,400 agus €453 le chéile, faightear €4,853.

Céim 5

Má laghdaítear €4,853 faoi €1,769, faightear €3,084. Mar sin, is é €3,084 an laghdú pá bliantúil iomlán a bhaineann leis an múinteoir seo.

Céim 6

Is é tuarastal bliantúil nua an mhúinteora le feidhm ón 1 Iúil 2013 ná €82,580 (comhionann le €85,664 lúide €3,084). Ba chóir a nótaíl go gcuirfear deireadh leis an liúntas Maoirseachta le feidhm ó thús na scoilbhliana 2013/14.

Sampla Oibrithe 2:

Céim 1

Sa sampla seo, is é olltuarastal iomlán reatha an mhúinteora ná €65,247 (comhdhéanta de Pointe 16 den Bhunscála Comónta d'iontrálaithe roimh 2011 móide liúntas do ATO Onóracha móide liúntas do Chéim Mháistir móide liúntas do Phríomhoide Cúnta). Níl dualgais mhairseachta ag an múinteoir faoi láthair agus ní fhaigheann sé/sí íocaíocht as mairseacht.

Toisc go bhfuil olltuarastal an mhúinteora os cionn €65,000, beidh feidhm leis na lagduithe pá faoin Acht um Bearta Airgeadais Éigeandála ar Mhaithe le Leas an Phobail 2013/Comhaontú Bhóthar Haddington.

Céim 2

Toisc nach sáraíonn tuarastal an mhúinteora €80,000, is í an chuid den tuarastal ba chóir an laghdú 5.5% a fháil ná €65,247. Mar thoradh air sin, bíonn laghdú €3,589 ann.

Céim 3

Laghdaítear €3,589 faoi €1,769. Mar sin, is é €1,820 an laghdú pá bliantúil iomlán a bheadh infheidhmithe don mhúinteoir seo de ghnáth. Ó tharla go bhfágfadh laghdú de €1,820 tuarastal an mhúinteora faoi bhun €65,000, ní laghdaítear an tuarastal ach go dtí €65,000. Is é tuarastal bliantúil nua an mhúinteora le feidhm ón 1 Iúil 2013 ná €65,000.